

08 MAI
RUGACIUNEA 3
SF.APOSTOL-EVANGHELIST
IOAN TEOLOGUL

Молитва

О великий Апостоле, Евангелисте
громогласный, Богослове изящнейший,
тайноведче неизреченных откровений,
девственниче и возлюбленный наперсниче
Христов Иоанне! Приими нас, грешных, под
твое сильное заступление прибегающих.
Испроси у Всещедраго Человеколюбца Христа
Бога нашего, Иже пред очесы твоими Кровь
Свою за ны, непотребныя рабы Своя, изливал
есть, да не помянет беззаконий наших, но да
помирует нас и сотворит с нами по милости
Своей: да дарует нам здравие душевное и
телесное, всякое благоденствие и изобилие,
наставляя нас обращаться онаго во славу Его,
Творца, Спасителя и Бога нашего, по кончине
же временныя жизни нашея от немилосердных
истязателей на воздушных мытарствах да
избавит нас, и тако да достигнем, тобою

водимии и покрываемии, Горняго онаго Иерусалима, егоже славу ты во откровении зрел еси, ныне же нескончаемыя радости наслаждаеши. О великий Иоанне! Сохрани вся грады и страны христианския, храм сей, служащих и молящихся в нем от глада, губительства, труса и потопа, огня и меча, нашествия иноплемennных и междоусобныя брани; избави нас от всякия беды и напасти и молитвами твоими отврати от нас праведный гнев Божий, и Его милосердие нам испроси, да вкупе с тобою сподобимся прославляти в невечернем дни пресвятое имя Отца и Сына и Святаго Духа во веки веков. Аминь.